

ოქმი № 1

ბაქარ მახარაძის საკრებულოს წევრის, საფინანსო-საბიუჯეტო კომისიის თავმჯდომარის ბ.მახარაძის ანგარიში მოსახლეობასთან 2022 წელს გაწეული მუშაობის შესახებ

ქუთაისი, 2022 წლის 22 ნოემბერი, 15 სთ

სხდომის ჩატარების ადგილი:
ქ.ქუთაისის, რუსთაველის გამზ. N27

სხდომას ესწრებოდნენ: ქ.ქუთაისის მუნიციპალიტეტის საკრებულოს წევრი, საკრებულოს საფინანსო-საბიუჯეტო კომისიის თავმჯდომარე ბაქარ მახარაძე; „უქიმერიონის“ ადმინისტრაციული ერთეულის მაჟორიტარი დეპუტატი, საკრებულოს წევრი ამირან კოპალეიშვილი; საკრებულოს თავმჯდომარე ირაკლი შენგელია, საკრებულოს თავმჯდომარის პირველი მოადგილე გია ბასილაძე; საკრებულოს თავმჯდომარის მოადგილე პაატა ლილუაშვილი. ქ. ქუთაისის მუნიციპალიტეტის მერიის ადმინისტრაციული ერთეულების წარმომადგენლები: ზაზა ჭელიძე („უქიმერიონის“ ადმინისტრაციული ერთეული), შალვა ლომთაძე („გუმათის“ ადმინისტრაციული ერთეული), მალხაზ აბაშიძე („გამარჯვების“ ადმინისტრაციული ერთეული). საჯარო შეხვედრების წარმართვაზე პასუხისმგებელი პირი ნიკოლოზ ჩიხლაძე.

„უქიმერიონის“ ადმინისტრაციულ ერთეულში მაცხოვრებელი 100-მდე მოქალაქე.

საკრებულოს აპარატიდან: ლიკა ჩახუნაშვილი, თეონა მელქაძე, ნიკოლოზ ჩიხლაძე

მოისმინეს: ინფორმაცია ბაქარ მახარაძის საკრებულოს წევრის, საფინანსო-საბიუჯეტო კომისიის თავმჯდომარის 2022 წელს გაწეულის მუშაობის შესახებ. მან აღნიშნა :

საკრებულოს საფინანსო-საბიუჯეტო კომისია აქტიურად არის ჩაბმული საკრებულოს სამუშაო პროცესში, მონაწილეობს საკრებულოში შემოსული პროექტების განხილვაში, ამზადებს შენიშვნებს, რეკომენდაციებს, დასკვნებს და შემდგომში მიღების მიზნით გადასცემს შესაბამის ორგანოებს. კომისია შედგება 17 წევრისაგან.

საფინანსო-საბიუჯეტო კომისია აქტიურად იყო ჩართული ქალაქ ქუთაისის მუნიციპალიტეტის 2022 წლის ბიუჯეტის ფორმირებასა და ქუთაისის მუნიციპალიტეტის საშუალოვადიანი პრიორიტეტების დოკუმენტის განხილვაში. 2022 წლის ბიუჯეტის პარამეტრების ფორმირებისას კომისიამ სამუშაო შეხვედრებში, სამსახურებთან მიიღო მონაწილეობა პარამეტრების შეთანხმების პროცესში.

2021 წლის 27 დეკემბერს კომისიის სხდომაზე განხილულ იქნა 2022 წლის ბიუჯეტის საბოლოო ვარიანტი 2022-2025 წლების პრიორიტეტების დოკუმენტთან ერთად, რომელშიც

აისახა კომისიის შენიშვნები და რეკომენდაციები, დამტკიცდა სხდომაზე და მომზადდა შესაბამისი დასკვნა.

მუშაობის კოორდინირების მიზნით კომისიამ შეიმუშავა და დაამტკიცა 2022 წლის სამუშაო გეგმა, რომელიც გახდა კომისიის ძირითადი სამუშაო დოკუმენტი. გეგმის მიხედვით, კომისიის სხდომებზე იხილებოდა ანგარიშვალდებული ორგანოებისა და თანამდებობის პირების განვლილი პერიოდის საქმიანობა და სამომავლო პერსპექტივები.

წინასწარ ცნობილი განრიგის მიხედვით, ანგარიშვალდებული ორგანოები კომისიაში წარმოადგენენ ინფორმაციას, რომელიც განხილვის მიზნით, ეგზავნებათ კომისიის წევრებს.

საანგარიშო პერიოდის განმავლობაში, მიმდინარე მოწვევის პერიოდში, ჩატარდა საფინანსო-საბიუჯეტო კომისიის 10 (ათი) სხდომა, რომელთაგან 7(შვიდი) წარიმართა ჩემი თავმჯდომარეობით. მათზე განხილულია 27 (ოცდაშვიდი) საკითხი (იხ. დანართი 1).

ჩატარებული ყველა სხდომა იყო საჯარო.

ჩამოთვლილი ან გადადებული არ ყოფილა საფინანსო-საბიუჯეტო კომისიის არც ერთი სხდომა. ყველა მათგანზე იყო მოწვეული აღმასრულებელი ორგანოს წარმომადგენლები.

მიმდინარე მოწვევის პერიოდის პირველმა სხდომამ, 2021 წლის 27 დეკემბერს, განიხილა ქალაქ ქუთაისის მუნიციპალიტეტის 2021 წლის ბიუჯეტის ბოლო, მეშვიდე ცვლილება, რომლის შემდეგაც ცვლილების ნაწილში მუშაობა მიმდინარეობდა მხოლოდ 2022 წლის ბიუჯეტის ფარგლებში.

კომისიამ განიხილა სახელმწიფო აუდიტის სამსახურის დოკუმენტი „მუნიციპალიტეტების მიერ დაფუძნებული არასამეწარმეო (არაკომერციული) იურიდიული პირების მართვის ეფექტიანობის აუდიტის 2021 წლის ანგარიში“. დოკუმენტში გამოიკვეთა, რომ თბილისის და ქუთაისის გამოცდილება სხვადასხვა ტიპის ინფრასტრუქტურის მოვლა-პატრონობის მიზნით შექმნილი ა(ა)იპ-ების ერთ ორგანიზაციად გაერთიანების შესახებ, რაც ამცირებს ადმინისტრაციულ დანახარჯებს და დაწესებულებების მართვას უფრო ეფექტიანს ხდის, ასევე სკოლამდელი აღზრდის დაწესებულებების ერთ სტრუქტურაში გაერთიანების პრაქტიკა, სახელმწიფო აუდიტის სამსახურის მიერ პოზიტიურად იქნა მიჩნეული. სახელმწიფო აუდიტის ანგარიშში ხაზგასმით არის აღნიშნული, რომ ამ მხრივ თბილისის და ქუთაისის გამოცდილება შესაძლებელია სხვა მუნიციპალიტეტებმაც გაიზიარონ.

აღნიშნული საკითხის შესახებ კომისიამ მოამზადა განკარგულების პროექტი, რომელიც საკრებულომ დაამტკიცა 2022 წლის 30 მარტის სხდომაზე.

საანგარიშო პერიოდში კომისიამ იმსჯელა შემდეგ ძირითად საკითხებზე:

1. განიხილა და შეაფასა 2021 წლის ბიუჯეტის შესრულების შედეგები და წარადგინა შესაბამისი წინადადებები;

2. მომზადდა წინადადებები და რეკომენდაციები ქალაქ ქუთაისის მუნიციპალიტეტის 2022 წლის ბიუჯეტის და შესახებ და მიეწოდა ქალაქ ქუთაისის მუნიციპალიტეტის მერიას;
3. კომისიამ 2021 წლის 27 დეკემბერს განიხილა 2022 წლის ბიუჯეტის მეორე, კორექტირებული ვარიანტი, მოამზადა დასკვნა და მისცა მას რეკომენდაცია საკრებულოს სხდომაზე განსახილველად;
4. განხილულ იქნა ქუთაისის მუნიციპალიტეტის 2021 წლის ინფრასტრუქტურული პროექტები, 2022 წლის ბიუჯეტში ინფრასტრუქტურული პროექტების მოცულობები და მათი მოსალოდნელი სოციალურ-ეკონომიკური ეფექტიანობა;
5. განხილულ იქნა საკრებულოს თავმჯდომარის მომართვა - „უფასო მგზავრობის მოწყვლადი ჯგუფების შერჩევისა მათი ბიუჯეტიდან დაფინანსების მიზანშეწონილობის შესახებ“ და მომზადდა შესაბამისი წერილი;
6. მოსმენილ იქნა ქუთაისის მუნიციპალიტეტის მერიის და თვითმმართველობის მიერ დაფუძნებული ორგანიზაციების ანგარიშები;
7. კომისიამ სხდომებზე განიხილა „ქალაქ ქუთაისის მუნიციპალიტეტის 2022 წლის ბიუჯეტის დამტკიცების შესახებ“ ქალაქ ქუთაისის მუნიციპალიტეტის საკრებულოს 2021 წლის 29 დეკემბრის №5 დადგენილებაში შესატანი ოთხი ცვლილება, რომელთა შესახებაც მომზადდა შესაბამისი დასკვნები. ამ პერიოდში, ცვლილებების შედეგად, ქუთაისის მუნიციპალიტეტის ბიუჯეტი 89,9 მლნ.ლარიდან 131,9 მლნ.ლარამდე გაიზარდა;
8. კომისიამ საკრებულოს განსახილველად წარუდგინა ერთი სამართლებრივი აქტის პროექტი, რომელზეც მიღებულ იქნა შესაბამისი გადაწყვეტილება.

2022 წლის მარტი, აპრილი, მაისი თვეებში როგორც საკრებულო წევრმა ქ.ქუთაისის მუნიციპალიტეტის 5 ადმინისტრაციულ ერთეულში (ავტოქარხანა, ძელქვიანი, ნიკვა, უქიმერიონი, კახიანოური) განახორციელა მოქალაქეებთან შეხვედრები. გამოიკვეთა სხვადასხვა სახის პრობლემები, რომლებიც გადაეგზავნა მერიის შიდა სამსახურებსა და აიპებს შესასრულებლად. პრობლემეთა ნაწილის მოსაგვარებლად მოქალაქეებს გაეწიათ კონსულტაცია, აგრეთვე ჩაერთო ქ.ქუთაისის მუნიციპალიტეტის მერიის გარეთ არსებული სამსახურები.

ზემოაღნიშნულიდან გამომდინარე, გამოიკვეთა 105 სხვადასხვა სახის პრობლემა, აქედან შესრულდა 43, შესრულების პროცესშია ან ნაწილობრივ შესრულდა 24, ხოლო კონსულტაცია გაეწია 39 მოქალაქეს. (იხილეთ დანართი 2)

მოგახსენებთ, რომ ვარ ქ. ქუთაისის მუნიციპალიტეტის საკრებულოს ფრაქცია „ქართული ოცნების“ წევრი. აქტიურად ვმონაწილეობ ფრაქციის მუშაობაში (სულ ფრაქციის 15 სხდომაში

მონაწილეობა), რაც გამოიხატება საკითხების ინიცირებაში, გადასაწყვეტი პრობლემების მოსაგვარებლად გაწეულ საქმიანობაში, კონტროლსა და მონიტორინგში.

მე აგრეთვე ვარ ქ. ქუთაისის მუნიციპალიტეტის საკრებულოს იურიდიული კომისიის წევრი. მონაწილეობა მაქვს მიღებული კომისიის ყველა (სულ 25) სხდომაში.

ავლნიშნავ, რომ ჩემთვის მნიშვნელოვანია ქალთა და მამაკაცთა თანასწორი უფლებების რეალიზაცია, გენდერული უთანასწორობის აღმოფხვრის უზრუნველსაყოფად. როგორც გენდერული თანასწორობის საბჭოს წევრი, აქტიურად ვარ ჩართული კომისიის საქმიანობაში. (დაეწრო სულ 3 სხდომას).

დაბოლოს, ძალიან დიდი მადლობა მინდა გადაგიხადოთ მოსვლისთვის ყველას. მინდა გითხრათ, რომ ნებისმიერ თქვენი სათხოვარი ჩვენთვის მნიშვნელოვანია, ვინაიდან თითოეული დეპუტატი საკრებულოში წარმოადგენს და იცავს ხალხის ინტერესებს.

აზრი გამოთქვას:

საკრებულოს თავმჯდომარემ, „გამარჯვების“ ადმინისტრაციული ერთეულის მაჟორიტარმა დეპუტატმა ირაკლი შენგელიამ. მან მადლობა გადაუხადა მოქალაქეებს წარმოდგენილი ანგარიში მოსმენისათვის. აღნიშნა, რომ თითოეულ დეპუტატს აქვს საკმაოდ მაღალი პასუხისმგებლობა იმისა, რომ უშულო კომუნიკაციაში იყოს მოსახლეობათა, მოისმინოს მათი საჭიროებები და იზრუნოს ამ საკითხების მოგვარებაზე. ის არის ანგარიშდებულება ხალხთან, ვინადაიდ სწორედ ხალხი არის დამკვეთი მათი საქმიანობის. ჩვენთვის მნიშვნელოვანია უკუკავშირიც, მოვისმინოთ თქვენგან თუ რა საჭიროების ირგვლივ უნდა გავამლიეროთ ჩვენი ყურადღება საკრებულოში, როგორც წარმომადგენლობით რგოლში იმისათვის, რომ თქვენი ხმა იყოს აქტიური და მივიტანოთ აღმასრულებელ რგოლამდე, რომ შემდგომ თქვენი საჭიროებები მოაგვაროს. აგრეთვე მინდა მადლობა გადავუხადო ბატონ ბაქარ მახარაძეს, ვინაიდან ინსტიტუციულ ნაწილში საკრებულოს საფინანსო-საბიუჯეტო კომისია მთავარი დოკუმენტის ირგვლივ მსჯელობს, ადგილობრივი თვითმმართველობის ბიუჯეტზე მაქვს საუბარი, რომელშიც თქვენი საჭიროებები უნდა აისახოს და ამ მიმართულებით მართლაც ბევრი აქვს გაკეთებული.

საკრებულოს წევრს შეკითხვებით მიმართეს:

გრიშა რატიანი, მცხოვრები ქ. ქუთაისი, რუსთაველის გამზ. N85

პირველი რიგში მადლობა მინდა გადაგიხადოთ. ჩვენს ბინაში მოწესრიგდა ფასადები, 6 თვის განმავლობაში გრძელდებოდა სამუშაო პროცესი და მაცხოვრებელთა ყველა თხოვნა იქნა გათვალისწინებული და შესანიშნავად გაკეთდა. მიმდინარე წელს მოსახლეობამ გადაწყვიტა წყალსაწრეტი მილებისა და ბინისშიდა მხარეს სანიაღვრეების და ირგვლი ბეტონის დასსმა. მზად არის პროექტიც, რომელიც მერიის საბინაოს სამსახურს ჩავაბარეთ. წელს მოესწრება თუ არა აღნიშნული სამუშაოების შესრულება?

ბაქარ მახარაძე: გეტვით, რომ წელს ვერ მოესწრება, ვინაიდან მოთხოვნები უნდა გაერთიანდეს, რომ თანხის რაოდენობა გაიზარდოს და შემსრულებელს უღირდეს სამუშაოების განხორციელება.

ლელა ნაცვლიშვილი გველესიანის ქუჩის მაცხოვრებელი: რა ეშველება ე.წ. „საგოჭის“ შენობას, რომელიც დაზიანებულია და საფრთხეს წარმოადგენს მაცხოვრებლთათვის?

ბაქარ მახარაძე: არის მუნიციპალური ქონება, ორჯერ იყო აღნიშნული შენობა აუქციონზე გამოტანილი, საწყისი ფასი შეადგენდა თუ არ ვცდები 1340 000 ათას, მაგრამ ჯერჯერობით არავინ შეიძინა.

ამით მოსახლეობასთან შემაჯამებელი შეხვედრა დასრულდა.

ქუთაისის მუნიციპალიტეტის საკრებულოს წევრი,

საფინსასო საბიუჯეტო კომისიის თავმჯდომარე:  /ბაქარ მახარაძე/

საჯარო შეხვედრის წარმართვაზე პასუხისმგებელი პირი:  /ნიკოლოზ ჩიხლაძე/